



Na osnovu člana 29. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03 i 22/06) i člana 48. Statuta Općine Breza ("Službeni glasnik Općine Breza", broj: 1/99, 4/99 i 7/99), Općinsko vijeće Breza, na sjednici održanoj dana 28.06.2007.godine donosi

## **O D L U K U**

### **O ORGANIZOVANJU I FUNKCIONISANJU ZAŠTITE I SPAŠAVANJA NA PODRUČJU OPĆINE BREZA**

#### **I - OSNOVNE ODREDBE**

##### **Član 1.**

Ovom Odlukom se osigurava jedinstvena organizacija i funkcionisanje zaštite i spašavanja ljudi i materijalnih dobara od prirodnih i drugih nesreća većih razmjera, općine Breza s ciljem sprečavanja opasnosti, smanjenja broja nesreća i žrtava te otklanjanja i ublažavanja štetnih djelovanja i posljedica prirodnih i drugih nesreća.

##### **Član 2.**

Organizovanje i funkcionisanje zaštite i spašavanja na području Općine se vrši na način i postupak utvrđen Zakonom o zaštiti i spašavanju ljudi i materijalnih dobara od prirodnih i drugih nesreća ("Sl. novine Federacije BiH", broj: 39/03 i 22/06, u daljem tekstu: Zakon), propisima Kantona koji uređuju oblast zaštite i spašavanja i ovom Odlukom.

##### **Član 3.**

Poslovi zaštite i spašavanja ljudi i materijalnih dobara od prirodnih i drugih nesreća su od općeg interesa za općinu Breza.

#### **II-ORGANIZOVANJE ZAŠTITE I SPAŠAVANJA**

##### **Član 4.**

Težište zaštite i spašavanja ljudi i materijalnih dobara od prirodnih i drugih nesreća, prema ovoj Odluci, ostvaruje se organizovanjem i preduzimanjem sljedećih mjera i aktivnosti:

- a) otkrivanje, praćenje i sprečavanje opasnosti od prirodnih i drugih nesreća;
- b) osmatranje i uzbunjivanje o opasnostima i davanje uputstava za zaštitu i spašavanje;
- c) obučavanje i osposobljavanje za zaštitu i spašavanje;
- d) organizovanje, opremanje, obučavanje i osposobljavanje civilne zaštite i uspostavljanje održavanje drugih vidova zaštite i spašavanja;

- e) mobilizacija i aktiviranje snaga i sredstava za zaštitu i spašavanje;
- f) otklanjanje posljedica prirodnih i drugih nesreća do osiguranja osnovnih uslova za život;
- g) traženje pomoći iz zemlje i inostranstva za otklanjanje posljedica prirodnih i drugih nesreća.

## **1.Privredna društva i druga pravna lica**

### **Član 5.**

Privredna društva i druga pravna lica (u daljem tekstu:pravna lica) koja obavljaju djelatnosti iz oblasti:zdravstva,veterinarstva,stambenih i komunalnih poslova,vodoprivrede,šumarstva,poljoprivrede,hemijske i petrohemijske industrije,rudarstva,građevinarstva,transporta,opskrbe,ugostiteljstva i drugih oblasti u kojima se obavljaju djelatnosti od značaja za zaštitu i spašavanje ljudi i materijalnih dobara od prirodnih i drugih nesreća su dužna organizovati i provoditi poslove zaštite i spašavanja u skladu sa Zakonom,drugim propisima i ovom Odlukom.

U toku vođenja akcija zaštite i spašavanja ljudi i materijalnih dobara od prirodnih i drugih nesreća,pravna lica iz stava 1. ovog člana dužna su provoditi odluke Općinskog štaba civilne zaštite.

### **Član 6.**

U izvršavanju poslova iz člana 5. pravna lica provode odgovarajuće pripreme,donose i razrađuju planove zaštite i spašavanja za svoje djelovanje u zaštiti i spašavanju,planiraju i osiguravaju materijalno-tehnička sredstva za provođenje mjera zaštite i spašavanja i organiziraju jedinice i povjerenike civilne zaštite,opremaju te jedinice i povjerenike potrebnom opremom i sredstvima i osposobljavaju ih za njihovo učešće u zaštiti i spašavanju.

### **Član 7.**

Pravna lica,vlasnici i korisnici telekomunikacijskih i informacijskih sistema i veza su dužni dati prioritet u korištenju tih sistema i veza operativnom centru civilne zaštite i Općinskom štabu civilne zaštite kada rukovode akcijama zaštite i spašavanja.

## **2. Općinsko vijeće**

### **Član 8.**

U ostvarivanju prava i dužnosti u oblasti zaštite i spašavanja,Općinsko vijeće:

- a) donosi Odluku o organizovanju i funkcionisanju zaštite i spašavanja Općine i osigurava njeno provođenje;
- b) donosi Program razvoja zaštite i spašavanja od prirodnih i drugih nesreća Općine;
- c) planira i utvrđuje izvore finansiranja za izvršavanje poslova zaštite i spašavanja iz nadležnosti Općine;
- d) razmatra i usvaja izvještaj Komisije za procjenu šteta od elementarnih nepogoda.

## **3. Općinski načelnik**

### **Član 9.**

U ostvarivanju prava i dužnosti u oblasti zaštite i spašavanja,Općinski načelnik:

- a) organizuje operativni centar civilne zaštite u Općini u skladu sa Zakonom;

- b) donosi akt o osnivanju Općinskog štaba civilne zaštite;
- c) donosi akte o postavljenju i razrješenju komandanta, načelnika i članova Općinskog štaba civilne zaštite;
- d) usvaja Procjenu ugroženosti područja Općine od prirodnih i drugih nesreća;
- e) donosi Plan zaštite i spašavanja od prirodnih i drugih nesreća;
- f) proglašava stanje prirodne i druge nesreće i naređuje upotrebu snaga i sredstava civilne zaštite, službi za upravu, privrednih društava i drugih pravnih lica sa područja Općine na prevenciji, ublažavanju i otklanjanju štetnih posljedica od prirodnih i drugih nesreća po ljude i materijalna dobra na području Općine;
- g) proglašava prestanak prirodne i druge nesreće na području Općine;
- h) naređuje mobilizaciju građana i njihovih sredstava i sredstava pravnih lica, samostalnih privrednika, državnih organa kao i jedinica, štabova, povjerenika i službi za zaštitu i spašavanje;
- i) donosi akt o formiranju Komisije za procjenu šteta od prirodnih i drugih nesreća, razmatra i daje svoje mišljenje o izvještaju o procjeni šteta te isti šalje Općinskom vijeću na razmatranje i usvajanje;
- j) utvrđuje prijedlog Programa razvoja zaštite i spašavanja od prirodnih i drugih nesreća i dostavlja ga Općinskom vijeću na razmatranje i usvajanje;
- k) donosi akte o formiranju jedinica civilne zaštite, službi zaštite i spašavanja i povjerenika.

#### **4. Organi uprave**

##### **Član 10.**

Općinski organi uprave u okviru svojih prava i dužnosti utvrđenih zakonom, statutom općine i drugim propisima u oblasti zaštite i spašavanja ljudi i materijalnih dobara od prirodnih i drugih nesreća izvršavaju i obezbjeđuju izvršavanje zakona, drugih propisa i općih akata, staraju se o organizovanju i sprovođenju mjera zaštite u oblasti za koju su osnovani i odgovorni su za stanje te zaštite, prate stanje zaštite i predlažu mjere za razvoj i unapređenje zaštite, vrše nadzor nad sprovođenjem zakona, planova zaštite i sprovođenje preventivnih mjera zaštite u pravnim licima i druge poslove koji su im zakonom i drugim propisima stavljeni u nadležnost.

Organi uprave su dužni da zadatke iz stava 1. ovog člana razrađuju u svojim planovima rada.

#### **5. Prava i dužnosti mjesne zajednice**

##### **Član 11.**

Mjesna zajednica u okviru prava i dužnosti u organizovanju i ostvarivanju zaštite i spašavanja od prirodnih i drugih nesreća naročito:

- a) organizuje i osposobljava građane za sprovođenje zadataka i mjera zaštite;
- b) planira i organizuje mjere zaštite;
- c) organizuje i obezbjeđuje prihvata i zbrinjavanje evakuisanih građana i materijalnih dobara;

U organizovanju, planiranju i ostvarivanju zaštite i spašavanja mjesna zajednica sarađuje sa Štabom civilne zaštite mjesnog područja i preduzećima na području mjesne zajednice u pitanjima od zajedničkog interesa i u tom pogledu mogu udruživati snage i sredstva za zaštitu od prirodnih i drugih nesreća na području mjesne zajednice.

## **6. Štabovi civilne zaštite**

### **Član 12.**

Za rukovođenje akcijama zaštite i spašavanja na teritoriji općine Breza osniva se Općinski štab civilne zaštite (u daljem tekstu: Općinski štab) kao stručno operativni organ za rukovođenje akcijama zaštite i spašavanja svih učesnika angažiranih na zaštiti i spašavanju na području općine.

### **Član 13.**

Općinski štab se sastoji od: komandanta, načelnika i članova štaba. Komandant općinskog štaba je jedan od pomoćnika općinskog načelnika, a pomoćnik općinskog načelnika za poslove civilne zaštite je po položaju načelnik Općinskog štaba.

Sekretar općinske organizacije Crvenog križa, po funkciji je član Općinskog štaba.

Za članove Općinskog štaba postavljaju se rukovodeći državni službenici općinskih službi za upravu, predstavnici upravnih organizacija, pravnih lica i drugih institucija čija je djelatnost od značaja za zaštitu i spašavanje.

### **Član 14.**

Komandanta, načelnika i članove Općinskog štaba postavlja i razrješava Općinski načelnik.

Općinski štab vrši poslove iz svoje nadležnosti samostalno i za svoj rad je odgovoran Općinskom načelniku.

### **Član 15.**

U mjesnim zajednicama se osnivaju štabovi civilne zaštite koji su nadležni da rukovode akcijama zaštite i spašavanja na mjesnom području.

Štab civilne zaštite mjesne zajednice sastoji se od: komandanta, načelnika i članova štaba.

Štabove civilne zaštite mjesnih zajednica formira Općinski načelnik na prijedlog Službe civilne zaštite općine.

### **Član 16.**

Štab civilne zaštite može se osnovati i u pravnim licima u skladu sa njihovim procjenama ugroženosti.

Ako se ne osnuje štab civilne zaštite po odredbama stava 1. ovog člana, pravna lica su dužna svojim općim aktom odrediti organ koji će rukovoditi akcijama zaštite i spašavanja u pravnom licu.

Nadležnost štaba ili organa iz stava 1. i 2. ovog člana, utvrđuje se općim aktom pravnog lica i određuju situacije kada taj štab vrši svoje funkcije, s tim da je dužan funkcionirati u svim slučajevima kada to naredi štab CZ općine, kantona i Federacije.

## **7. Povjerenici civilne zaštite**

### **Član 17.**

Povjerenici civilne zaštite određuju se u naselju, dijelu naselja, stambenim zgradama, organima uprave i službama za upravu općine, drugim organima i ustanovama i pravnim licima u kojima se ne osniva štab civilne zaštite.

### **Član 18.**

Povjerenici u naseljima vrše poslove koji se odnose na organizovanje i poduzimanje

neposrednih mjera na učešću građana u provođenju samozaštite i učestvuju u svim aktivnostima civilne zaštite koje se provode u akcijama zaštite i spašavanja ljudi i materijalnih dobara na određenom području, odnosno u objektima za koje su zaduženi.

Povjerenici u organima uprave i drugim organima vlasti, ustanovama i pravnim licima, vrše poslove koji se odnose na organizovanje i pripremanje mjera i aktivnosti na sudjelovanju službenika i uposlenika na provođenju lične i kolektivne zaštite i mjera zaštite i spašavanja u zgradama i objektima za koje su zaduženi.

### **Član 19.**

U naselju i službama za upravu povjerenike postavlja i razriješava Općinski načelnik na prijedlog Službe civilne zaštite općine.

## **8. Jedinice civilne zaštite**

### **Član 20.**

Jedinice civilne zaštite formiraju se kao jedinice opće i specijalizovane namjene, te jedna jedinica opće namjene mješovitog sastava.

Jedinice opće namjene, po pravilu, formiraju se na načelima teritorijalne popune.

Jedinice civilne zaštite opće i specijalizirane namjene mogu se formirati kao timovi, odjeljenja i vodovi.

O formiranju jedinica civilne zaštite, njihovoj veličini i vrsti, odlučuje Općinski načelnik na prijedlog Službe civilne zaštite.

### **Član 21.**

Općinski načelnik, na prijedlog Službe civilne zaštite organizuje specijalizovane jedinice civilne zaštite koje obavljaju složenije poslove zaštite i spašavanja na cijelom području Općine kada snage i sredstva pravnih lica te jedinice civilne zaštite opće namjene nisu dovoljne za ostvarivanje efikasne zaštite i spašavanja na području Općine.

### **Član 22.**

Prema ukazanoj potrebi, na zahtjev nadležnih organa jedinice iz člana 21. se mogu angažovati na pružanju pomoći van područja Općine.

### **Član 23.**

Općinski načelnik će, na prijedlog Službe civilne zaštite, svojim propisom regulisati lične i materijalne formacije jedinica opće i specijalizovane namjene.

## **9. Operativni centar civilne zaštite**

### **Član 24.**

U sastavu Službe civilne zaštite organizuje se Općinski operativni centar civilne zaštite (u daljem tekstu: operativni centar).

Operativni centar vrši prikupljanje, obradu i distribuciju podataka o svim prirodnim i drugim nesrećama na području općine i te podatke i informacije dostavlja nadležnim organima općine i kantonalnom operativnom centru, a prema potrebi i Federalnom operativnom centru.

Operativni centar vrši i sve druge poslove koji se odnose na prikupljanje i distribuciju podataka o prirodnim i drugim nesrećama na području općine koje se zakonom i drugim propisima stave u nadležnost tog centra.

**Član 25.**

Operativni centar u općini radi prema potrebi, a najmanje osam sati svaki radni dan.

**Član 26.**

U slučaju prirodnih i drugih nesreća vrši se mobilizacija pripadnika Operativnog centra do pune formacije od pet pripadnika koji rade 24 sata svaki dan sve dok nadležni organ ne proglasi prestanak prirodne i druge nesreće.

**III- FUNKCIONISANJE ZAŠTITE I SPAŠAVANJA****Član 27.**

Kada Općinski načelnik proglasi da je na određenom području ili na cijelom području Općine nastala prirodna ili druga nesreća, aktiviraju se štabovi civilne zaštite na tom području radi rukovođenja akcijama zaštite i spašavanja.

**Član 28.**

Tokom provođenja akcije zaštite i spašavanja štabovi civilne zaštite mjesnih zajednica i štabovi civilne zaštite u pravnim licima, ukoliko se osnuju, dužni su provoditi odluke i naredbe Općinskog štaba civilne zaštite.

**Član 29.**

Jedinice civilne zaštite koje su formirane po naseljima i mjesnim područjima se upotrebljavaju na zadacima zaštite i spašavanja na području naselja i mjesnog područja gdje su formirani, s tim da se te jedinice mogu upotrijebiti i na drugom mjesnom području, odnosno van područja Općine, o čemu odlučuje Općinski štab civilne zaštite.

**Član 30.**

Općinski načelnik je dužan da odmah po saznanju da prijete neposredna opasnost od prirodne nepogode ili je nastala prirodna i druga nepogoda, samoinicijativno ili na prijedlog Službe civilne zaštite, odlukom utvrdi nastanak prirodne nepogode.

Odlukom iz prethodnog stava se utvrđuje vrsta prirodne nepogode, vrijeme nastanka i područje koje je zahvaćeno prirodnom nepogodom.

**Član 31.**

Naredba o mobilizaciji i upotrebi snaga i sredstava sadrži: vrstu i jačinu snaga i sredstava koja se mobilišu, područje na kojem će se angažovati, mjere za smještaj, ishranu i obezbjeđenje drugih potreba angažovanih snaga i sredstava.

Naredbu iz prethodnog stava donosi Općinski štab civilne zaštite.

**IV-FINANSIRANJE, OPREMANJE, OBUČAVANJE  
I OSPOSOBLJAVANJE****Član 32.**

Finansiranje potreba po ovoj Odluci vršiće se iz prikupljenih sredstava iz člana 180. Zakona o zaštiti i spašavanju i sredstava budžeta Općine Breza.

**Član 33.**

Pravna lica iz vlastitih sredstava finansiraju troškove koji se odnose na pripremanje i opremanje štaba, povjerenika i jedinica civilne zaštite koje osnivaju radi zaštite i spašavanja vlastitog ljudstva, imovine i drugih materijalnih dobara od opasnosti i

djelovanja prirodnih i drugih nesreća.

## Član 34.

Obučavanje i osposobljavanje štabova, jedinica i povjerenika civilne zaštite vrši se prema nastavnim planovima i programima koje donosi direktor Federalne uprave.

## V- PRELAZNE I ZAVRŠNE ODREDBE

## Član 35.

Danom stupanja na snagu ove Odluke prestaje da važi Odluka Prelaznog općinskog vijeća broj:01/1-023-211/96 od 22.10.1996.godine.

## Član 36.

Odluka stupa na snagu danom objavljivanja u "Službenom glasniku Općine Breza".

Broj: 01/1-02-2241/07  
Breza, 28.06.2007.godine

PREDSJEDAVAJUĆI  
Općinskog vijeća  
Vinko Pandža, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-2243/07  
Breza, 28.06.2007.godine

Na osnovu član 6. i 44. Zakona o građevinskom zemljištu FBiH ("Službene novine FBiH", broj 67/05), člana 26. Odluke o građevinskom zemljištu ("Službeni glasnik Općine Breza", broj 3/04, 9/06 i 5/07) i člana 27. Statuta općine Breza ("Službeni glasnik Općine Breza", broj 1/99, 4/99 i 7/99), rješavajući po zahtjevu JP Elektroprivreda BiH d.d. Sarajevo – Podružnica "Elektro distribucija" Zenica – P.J. Breza, Općinsko vijeće Breza na sjednici održanoj dana 28.06.2007. godine, d o n o s i

## RJEŠENJE

**1. JP Elektroprivreda BiH d.d. - Sarajevo Podružnici “Elektrodistribucija” Zenica** dodjeljuje se na korištenje neposrednom pogodbom, u svrhu izgradnje TS 10(20)0,4 kV SŠC, neizgrađeno gradsko građevinsko zemljište, označeno kao:

- k.č.br. 648/21 zv. “Gradilište” upisano u zk.ul.br. 1498 k.o. Smrekovica (s.p.), što odgovara k.č.br. 507/12 k.o. Breza (n.p.), u površini od 20 m2.

2. Naknada za dodijeljeno gradsko građevinsko zemljište iz tačke 1. ovog rješenja utvrđuje se u iznosu od 960,00 KM, a koja se sastoji od:

- naknade za prirodne pogodnosti gradskog građevinskog zemljišta (renta) u iznosu od 720,00 KM slovima: (sedamstodvadesetkonvertibilnihmaraka) i
- naknade za preuzeto gradsko građevinsko zemljište u iznosu od 240,00 KM

slovima: (dvijestotinečetredesetkonvertibilnih maraka).

3. Navedeni iznos iz stava 2. dispozitiva JP Elektroprivreda BiH d.d. - Sarajevo – Podružnica “Elektrodistribucija” Zenica dužna je uplatiti u roku od 8 dana od dana prijema ovog rješenja na račun Budžeta općine Breza:

- broj: 1602000023507876, koji se vodi kod Vakufske banke – vrsta prihoda: 721231, šifra Općine 016.

4. Po pravosnažnosti ovog rješenja Zemljišno knjižni ured Općinskog suda u Visokom izvršit će uknjižbu prava korištenja, radi građenja, na zemljištu iz tačke 1. dispozitiva ovog rješenja u korist JP Elektroprivreda BiH d.d. - Sarajevo “Elektrodistribucija” Zenica, sa dijelom 1/1.

5. Troškove postupka će odrediti Služba za prostorno uređenje, zaštitu okolice, geodetske i imovinsko-pravne poslove, posebnim zaključkom.

### **O b r a z l o ž e n j e**

Općinskom vijeću Breza, putem Službe za prostorno uređenje, zaštitu okolice, geodetske i imovinsko-pravne poslove obratilo se JP Elektroprivreda BiH d.d. - Sarajevo Podružnica “Elektrodistribucija” Zenica, zahtjevom za dodjelu gradskog građevinskog zemljišta u svrhu izgradnje trafostanice 10(20)0,4 kV SŠC u Brezi.

U provedenom postupku održana je na licu mjesta usmena javna rasprava dana 15.06.2007. godine uz učešće vještaka – geometra i predstavnika podnosioca zahtjeva i izvršena je identifikacija predmetnog zemljišta, te je konstatovano da se isto u zemljišnoj knjizi vodi kao državna svojina a kao organ upravljanja upisana je Općina Breza, a po novom premjeru u katastarskom operatu se kao posjednik vodi Općina Breza.

Rješenjem o urbanističkoj saglasnosti broj 3/2-1-23-809/06 od 02.08.2006. godine, odobrena je lokacija predmetne trafostanice u skladu sa Regulacionim planom “Sutješko polje” i Odlukom o provođenju navedenog Regulacionog plana.

Budući da će podnosilac zahtjeva graditi objekat komunalno-infrastrukturnog karaktera, to su ispunjeni uslovi, iz člana 45. stav 2. alineja 3. Zakona o građevinskom zemljištu FBiH i člana 26. Odluke o građevinskom zemljištu, za dodjelu neizgrađenog gradskog zemljišta neposrednom pogodbom.

Oredba o plaćanju naknade za dodjeljeno gradsko građevinsko zemljište temelji se na članu 64. Zakona o građevinskom zemljištu FBiH.

Na osnovu naprijed izloženog riješeno je kao u dispozitivu ovog rješenja.

Ovo rješenje je konačno i pravosnažno i protiv njega se ne može izjaviti žalba niti voditi upravni spor.

JP Elektroprivreda BiH d.d. - Sarajevo Podružnica “Elektrodistribucija” Zenica je dužna uplatiti taksu na ovo rješenje u iznosu od 20,00 KM na račun Općine Breza broj: 1602000023507876, vrsta prihoda 721131, a određena je prema tarfinom broju 3. Odluke o općinskim administrativnim taksama (“Službeni glasnik Općine Breza”, broj 2/07).



Ovo rješenje će biti objavljeno u “Službenom glasniku Općine Breza”.

## PREDSJEDAVAJUĆI

Općinskog vijeća

Vinko Pandžar, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-2242/07  
Breza, 28.06.2007.godine

Na osnovu člana 7. Odluke o načinu obrazovanja cijena komunalnim proizvodima i usluga individualne potrošnje ("Službeni glasnik Općine Breza", broj: 8/02, 1/03 i 2/07) prilikom razmatranja Odluke o davanju saglasnosti na cijene komunalnih proizvoda i usluga individualne potrošnje, Općinsko vijeće Breza na sjednici održanoj dana 28.06.2007. godine, d o n o s i

## ZAKLJUČAK

## 1

DAJE SE SAGLASNOST na Odluku o cijenama komunalnih proizvoda i usluga individualne potrošnje.

## 11

U konačan tekst Odluke ugraditi date primjedbe Komisije za propise.

## III

Za realizaciju ovog Zaključka zadužuje se Skupština Javnog preduzeća "Komunalno" d.o.o. Breza.

Dostavljeno:  
1x Skupština JP "Komunalno" d.o.o. Breza,

**PREDSJEDAVAJUĆI**  
Općinskog vijeća

1x JP "Komunalno" d.o.o. Breza,  
1x Služba za privredu, finansije i opću upravu,  
1x 01/1,  
1x a/a

Vinko Pandža,s.r.

**DAJE SE SAGLASNOST** Općinskom načelniku za vođenje aktivnosti po Ugovoru o



## ZAKLJUČAK

## 1

11

Općinskog vijeća  
Vinko Pandža.s.r.



## RJEŠENJE

## 1

11

Općinskog vijeća  
Vinko Pandža, s.r.



sjednici održanoj dana 28.06.2007. godine, d o n o s i

## R J E Š E N J E

### o razrješenju člana Komisije za izbor i imenovanje

## 1

U rješenju o imenovanju Komisije za izbor i imenovanje ("Službeni glasnik Općine Breza", broj 6/04) član komisije Kaplan Esmeralda razrješava se dužnosti zbog podnešene ostavke na poziciju vijećnice u Općinskom vijeću Breza.

## 11

Ovo rješenje stupa na snagu danom objavljivanja u "Službenom glasniku Općine Breza".

DOSTAVLJENO:  
1x Kaplan Esmeralda,  
1x Predsjednik Komisije za izbor i imen.  
1x 01/1,  
1x Arhiva.

PREDSJEDAVAJUĆI  
Općinskog vijeća  
Vinko Pandža, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-2248-1/07  
Breza, 28.06.2007. godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj 13/98 i 8/00) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza, na sjednici održanoj dana 28.06.2007. godine, d o n o s i

## RJEŠENJE

### o imenovanju člana Komisije za izbor i imenovanje

## 1

U rješenju o imenovanju Komisije za izbor i imenovanje ("Službeni glasnik Općine Breza", broj 6/04) za člana Komisije imenuje se Zlatan Kadrić.

## 11

Imenovanje se vrši do isteka mandata imenovane Komisije za izbor i imenovanje ("Službeni glasnik Općine Breza", broj 6/04).

## III

Ovo rješenje stupa na snagu danom objavljivanja u "Službenom glasniku Općine Breza".

DOSTAVLJENO:  
1x Zlatan Kadrić,  
1x Predsjednik Komisije za izbor i imen.  
1x 01/1,  
1x Arhiva.

PREDSJEDAVAJUĆI  
Općinskog vijeća  
Vinko Pandža.s.r.



## S A D R Ź A J

- 99. Odluka o organizovanju i funkcionisanju zaštite i spašavanja na području Općine Breza.
- 105. Rješenje o dodjeli JP Elektroprivredi BiH d.d. - Sarajevo Podružnici "Elektro distribucija" Zenica u svrhu izgradnje TS 10(20)0,4 kV SŠC.
- 107. Zaključak daje se saglasnost na Odluku o cijenama komunalnih proizvoda i usluga individualne potrošnje.
- 108. Zaključak usvaja se Program održavanja privredno, kulturne i sportske manifestacije "Bazenijada 2007". godine.
- 108. Zaključak daje se saglasnost Općinskom načelniku za vođenje aktivnosti po Ugovoru o izvođenju radova na davanju stručnog mišljenja u postupku donošenja urbanističke saglasnosti.
- 109. Zaključak usvaja se Izvještaj o radu Općinskog pravobranilaštva Breza za 2006. godinu.
- 110. Zaključak da se iz tekućih rezervi Budžeta Općine Breza za 2007. godinu novčani iznos od 10.000,00 KM uplati Medžlisu Islamske zajednice Breza za izgradnju gradske džamije u Brezi.
- 110. Rješenje o razrješenju člana Drugostepene upravne komisije.
- 111. Rješenje o izmjeni rješenja o imenovanju Drugostepene upravne komisije.
- 112. Rješenje o razrješenju člana Komisije za izbor i imenovanje.
- 112. Rješenje o imenovanju člana Komisije za izbor i imenovanje.

